

UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koju zastupa policijski komesar, Generalni inspektor policije Fatmir Hajdarević, (u daljem tekstu: Ugovorni organ)

i

„MRG EXPORT-IMPORT“ d.o.o. Banja Luka, ul. Milana Radmana 16, ID broj: 4401003850004, kojeg zastupa direktor Tijana Grbović-Kropfl (u daljem tekstu: Dobavljač)

zaključili su:

UGOVOR O NABAVCI USLUGA SERVISIRANJA KABINETA ZA SUŠENJE TRAGOVA SAFEKEEPER 1500 DUPLEX

Član 1.

Predmet ovog Ugovora je nabavka usluga servisiranja kabineta za sušenje tragova Safekeeper 1500 duplex za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem direktnog sporazuma, na osnovu odluke broj 02-11-4-1187/25 od 03.03.2025. godine.

Ponuda broj: 28/2025 od 07.03.2025. godine, sastavni je dio Ugovora.

Član 2.

Ukupna vrijednost predmetne nabavke bez PDV-a iznosi:

- 5.999,40 (pet hiljadadevetstotinadevedesetdeveti 40/100) KM.

Dobavljač se obavezuje da se cijena iz ponude neće mijenjati do isteka važenja ovog ugovora.

Član 3.

Dobavljač se obavezuje da će stručno i kvalitetno izvršiti uslugu iz člana 1. ovog Ugovora najkasnije u roku od 30 (trideset) dana od dana prijema narudžbenice, na adresi Ugovornog organa, La Benevolencija 16.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostataka na ime izvršene usluge iz člana 1. i 2. ovog Ugovora.

Član 4.

Nakon izvršene usluge koja je predmet ovog Ugovora vrši se kvalitativno – kvantitativna primopredaja uz sačinjavanje radnog naloga od strane Dobavljača. Radni nalog treba da sadrži: naziv firme, adresa, kontakt, broj, datum, nalogodavac, specifikaciju izvršenih usluga, uočeni kvarovi ili nedostaci, potpis Dobavljača i potpis ovlaštenog predstavnika Ugovornog organa i sl. Radni nalog se izdaje u dva primjerka od kojih svaka strana zadržava po jedan.

Ukoliko se konstatuju određeni nedostaci u kvalitetu ili kvantitetu izvršenih usluga sačinit će se zapisnik o reklamaciji.

Usluga će se smatrati uredno izvršenom kada u zapisniku o prijemu bude konstatovano “usluga izvršena bez primjedbi”.

Član 5.

Garancija Dobavljača na izvršenu uslugu servisa iz člana 1. ovog Ugovora iznosi 12 (dvanaest) mjeseci i počinje da vrijedi od datuma izvršenja usluge.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

Član 6.

Plaćanje za izvršenu uslugu će se vršiti u roku od 30 (trideset) dana od dana uredno izvršene usluge i dostavljanja fakture, na tekući račun Dobavljača.

Član 7.

Ukoliko Ugovorni organ ocijeni da izvršena usluga nije u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

Član 8.

Na ostala prava i obaveze ugovornih strana, koja nisu regulisana ovim ugovorom primjenjivat će se odredbe Zakona o obligacionim odnosima.

Član 9.

Eventualno nastale sporove pri realizaciji ovog ugovora, Ugovorne strane će rješavati sporazumno.


U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 10.

Ovaj ugovor je zaključen, kada isti potpišu obje ugovorne strane i traje do uredne realizacije ugovorenih obaveza ugovornih strana.

Član 11.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
MRG EXPORT-IMPORT d.o.o.
Banja Luka

direktor Tijana Grbović-Kropfl

Broj: F-51/25
Datum: 21.03.2025.


UGOVORNI ORGAN
MUP KA RAJEVO
UPRAVA POLICIJE
POLICIJSKI KOMESAR
Generalni inspektor policije
Fatmir Hajdarević

Broj: 02-11-4-1187-3/25
Datum: 10.03.2025. godine